

佛說樹提伽經

劉朱三藏求那跋陀羅譯

佛言有一長者名爲樹提伽倉庫盈溢金銀
具足奴婢成行無所乏少有一白疊手巾掛
著池邊遇天風起吹王殿前王即大會羣臣
坐共參論羅列卜問怪其所以諸臣皆言國
欲將興天賜白疊唯樹提伽默然不言王語
樹提伽諸臣皆喜卿以無言樹提伽答言不
敢欺王是臣之家拭涕之巾掛著池邊遇天
風起吹王殿前以是之故默然不言却後數
日有九色之華大如車輪遇天風起吹王殿
前王大會羣臣坐共參論羅列卜問怪其所
以諸臣皆言國欲將興天賜金華樹提伽默
然不言王語樹提伽諸臣皆喜卿亦無言提
伽答言不敢欺王是臣之家後園之中萎落
之華遇天風起吹王殿前以是之故默然不
言王語樹提伽卿家乃爾命卿約勒家中廣
作調度朕須還歸將領二十萬衆到卿家看

提伽答言願王共臣相隨臣家自然牀褥不
須人敷自然飲食不須人作自然擎來不須
呼喚自然擎去不須反顧王將領二十萬衆
到樹提伽南門直入閣中有一童子顏容端
正肉色豐悅甚復可愛王語樹提伽是卿家
兒郎以不答言臣不敢欺王是臣之家守閣
之奴小復前進至內閣有一童女顏容端正
肉色豐悅甚復可愛王語樹提伽卿家女婦
以不答言臣不敢欺王是臣之家守閣之婢
小復前進至樹提伽堂前白銀爲壁水精爲
地王見謂呼水流疑不得前樹提伽即導王
前以入將王企金牀踞玉机樹提伽婦一百
二十重金銀幃帳出爲王設拜眼中淚出
王語樹提伽卿婦爲我設拜有何不懂眼中
淚出答言臣不敢欺王聞王煙氣以是之故
眼中淚出王言庶民然脂諸侯然蟬天子然
漆亦無煙氣何得淚出樹提伽言臣不敢欺
王臣家有一明月魂珠掛著殿堂無晝無夜

不須火光王是煙中之王是故聞氣耳樹提伽堂前有一十二重高樓將王上視東望西視南望北瞻僅僅惱惱已經一月大臣白王國計事大事須還歸料理人民王謂須臾小復可忍樹提伽復將王後園之中看流泉浴池各皆可美甚復可愛僅僅惱惱已經一月

大臣白王國計事大事須還歸料理人民王謂呼須臾小復可忍樹提伽七寶布施綾羅繪綵二十萬衆人馬車乘一時還國王即大會羣臣共坐參論羅列卜問怪其所以樹提伽是我之民婦女宅舍過甚於我我欲伐之可取以不諸臣皆言宜可取之王將領四十七

萬衆椎鍾鳴鼓圍樹提伽合數百餘重樹提伽門中一力士手捉金杵一擬四十萬衆人馬俱倒手脚繚戾腰髓裂婆狀似醉容頭脚跛踐不復得起樹提伽乘雲之車在虛空中來問諸人來時何意卧地不起大王遣來欲伐長者門中有一力士手捉金杵一擬令四

十萬衆人馬俱倒繚戾腰髓裂婆狀似醉容頭脚跛踐不復得起樹提伽問諸人欲得起不諸人皆言欲得起樹提伽舉一神杖令四十萬衆人馬俱起還國王即遣使喚樹提伽我共同居而載往詣佛所問言世尊樹提伽是我之臣前身有何功德女婦宅舍過甚於

我佛言樹提伽五百商主將諸賚人賣持重寶經過險路于時深山之中見一病道人給其庵屋厚敷牀褥給其水漿鷄鎗米糧給其燈燭于時乞願願得天堂之供今得果報于時布施者是誰樹提伽是也病道人者我身是也五百寶主人皆得阿羅漢道也佛說經

竟王及諸臣發阿耨多羅三藐三菩提心禮佛即退

佛說樹提伽經

行十